



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

Brunner, Andreas
Pfeffer, Wilhelm

Antverpiæ, [1659 erschienen] 1660

S. Gregorivs Tvron. Episc. 17. Novembris.

urn:nbn:de:hbz:466:1-42032

montem aliò ambulare iussit. Iterùm Lyco flu-
mini exundanti moram posuit scipionem suum
qui illicò frondescens ripam umbrâ suâ vellivit.
Insequentis se sociumque hostis oculos ita pre-
cando fefellit, ut quos impius querebat, arbores
crederet. Moriturus è suis septemdecim dumtaxat
reliquit superstitioni deditos, cum sub adventum
suum non plures Christo addictos reperisset. Tu-
mulum cum aliis sibi communem esse voluit, ne,
quod vivus nunquam fecerat, mortuus proprii
quid haberet. Suspiciant alii hæc mira, ego de
GREGORIO, quod de Malachia Bernardus, dico:
inter multa magnaque miracula, maximum mira-
culum, quod fecit, ipse fuit. *Ex Gregor. Nyss.*

*Si vis utiliter aliquid scire & discere, ama nesciri,
& pro nihilo reputari. Hæc est altissima & utilissima
lectio, sui ipsius vera cognitio & despectio. De se ipso
nihil tenere; & de aliis semper bene & altè sentire
magna sapientia est.* Thom. de Kemp. lib. I.

S. GREGORIVS TVRON. EPISC.

17. Novembris.

Ille est GREGORIVS, cui nomen infula Turo-
nensis fecit. Parentes illi è primâ nobilitate,
nutrices à teneris annis Musæ fuerunt, quibus vi-
cem ille tam postea rependit, ut nesciam plûsne
ille Musis, an Musæ illi debeant. Puer vitam,
quam à patre acceperat, bis eidem reddidit, nec
sine miraculo, cum medicinam morituro nunc
nomen IESV ligno inscriptum, nunc alter Tobias
slices exta adhibuit. Ipse quoties agrotavit (&
agrotavit sapiuscule) è celo medicos, vel D. Eli-
gum vel Martinum habuit, cuius vitam rectè in
ampulorum parietibus, sed multò rectius in anima
suo

suo depinxit. Sub noctem VIRGINI sacrā, ædem hujus frequentari ab Angelis cum multo lumine vidit, & portā sponte suā referatā ipse etiam admittus est. Tam charus cælo, castigatus scilicet ab hoc non semel est. Etenim somnum dormientis in natalitiā Christi nocte Angelus alapā discussit. Tam non possunt ferre Superi Episcopum dormientem. Iam simul ac lapsus est in nescio quam gloriolæ vanæ cogitationem, equus etiam ipse lapsus sub GREGORIO reprehendit GREGORIVM. Itaque in posterum miracula, quæ plurima parabat, non sibi sed Divorum lipsanis, quæ ferebat, adscripsit. Congressus Romæ cum Gregorio Pontif. cum hic viri staturam (multum animo minor erat) tacite miraretur, non nescius arcanatum cogitationum noster, *Dominus*, dixit, *fecit nos; non ipsi nos*. Itaque maximi deinceps GREGORIVM ipse etiam magnus Gregorius fecit. *Ex Surio.*

Tres virtutes sunt, quæ pueris adolescentibus magis congruunt. Verecundia, Taciturnitas & Obedientia. Non est autem dubium, si has studuerint habere, quin possint, Christo duce, ad culmen perfectionis virtutum ascendere. S. Bern. l. de Ord. vitæ.

SS. ROMANVS ET BARVLA MM.

18. Novembris.

Parabat anno Servatoris c c c i. Asclepiades Procos. excindere templum Christianorum Antiochiæ. Huic nimirum ROMANVS sese opposuit, & dictis suis animos fociis unicus addidit. *Nunc demum pugnandū pro Aris cogitarent. Hostem utique esse Asclepiadem patriæ qui huic DEVM ereptū arer. Pulchrum fore, ut aras defenderent, cadere ad aras litaturos. In quacumque demum partem alen cadere*